



Universitätsbibliothek Paderborn

**Vademecum Sive Praxis Opera Quotidiana Aliaque ritè
peragendi, & per ea salutem& perfectionem propriam, ac
proximi, instituto Societatis Jesu conformem assequendi**

Limpens, Ferdinand

Coloniæ Agrippinæ, 1744

Punctum Sextum & Septimum. De rebus spiritualibus.

[urn:nbn:de:hbz:466:1-54750](#)

Videndum præterea est, an quis sub prætextu infirmitatis, impotentiæ, &c. minùs in obsequio animarum præstet, quām præstare posset. Triplex etenim hominum genus est: alii qui volunt, & non possunt, alii possunt, & non volunt, alii & volunt & possunt; & ut hi infinitum multiplicentur, optandum est

PUNCTUM SEXTUM & SEPTIMUM

De rebus spiritualibus.

IN puncto sexto explicatione non indigent lequentia, quantum quis temporis orationi tribuat, an vocali, an mentali potius juvetur, & quene modum in orando teneat. Sciendum tamen est, quod affectus erga res spirituales potissimum consistat in his tribus. 1. In sollicitudine, ne quid ex iis omittatur. 2. In summa rerum spiritualium præ omnibus aliis occupationibus estimatione, ut Eximius ille Suarez maluit oamnem suam scientiam perdere, quām vel quadrantem in quotidiana meditatione decurtare. 3. In ardore animi, qui totum voluntatis conatum ad res spirituales rapiat, virésque omnes applicet. Jam bene quis rebus spiritualibus affectus est, qui in his tribus nihil negligit, mediocriter, qui aliqua subinde negligit, aut negligenter tractat. *Vix* iis affectus esse dignoscuntur, qui coactus adhuc parum præstat.

Circa punctum septimum sciendum, quid propriè sit consolatio, desolatio, devotio, arida

tas, & quia desolatio, ariditas etiam ex scrupulis variisque animi motibus oriri possunt: hinc ea omnia ex regulis S. P. N. in Libello aureo Exercit. de discretione spirituum & scrupulis, & P. Suarez Tom. 4. Tract. 10. l. 9. c. 5. à num. 31. [qui, sicut in cæteris excellit, ita & in institutum nostrum optimè scripsit] paulò altius eruenda sunt; tum ut te ipsum, tum ut alios eò securius regere possis.

Motiones, que immediate in intellectu & voluntate fiunt à DEO, & unde dignoscantur.

ITaque primò certum est dari quosdam inter nos motus tam intellectus, quam voluntatis ex speciali Dei gratiis prævenientis motione, & hi vocantur illuminationes, illustrationes, inspirationes & motiones divinæ. V. Trident. sess. 6. per totum. Nec obstat, quod vocabulis his abusi sint Hæretici, qui illuminati dicti sunt. Hæ autem motiones vel fiunt immediate à Deo, vel per Angelos bonos, quos imitari conantur dæmones transfigurantes se in angelos lucis. Porrò Angelus sive bonus, sive malus possunt tantum excitare voluntatem mediante intellectu, & appetitu sensitivo, & utrumque horum mediis phantasmatibus, seu objectis sensibilibus vel imaginariis. Solus autem Deus, teste D. Thomâ, immediate potest interiùs influere rationali menti, & illabi anima movendo intellectum & voluntatem. Porrò signum in-

tellectum sic immediatè moveri à Deo est, si
oriatur apprehensio vel cognitio aliqua, qua
hic & nunc per imaginationem non potuit exci-
tari; cùm sit de objecto nobiliori, quàm in
sensum unquam ecederit, vel fiat tam subitò
cum tanta intelligentia veritatis, ut ex vi phan-
tasmatum comparari non potuerit. Ut si gen-
tili, v. g. qui nunquam de Deo cogitavit, su-
bitò, & sine discursu se offerat cogitatio, est
aliquid ens supremum, & hanc cogitationem
altè menti infixam sentiat. Simile est de fidei
simplici, vel etiam illiterato, cui subitò offer-
tur cognitio de Deo Trino & Uno cum tam di-
stincta repræsentatione veritatis, ut planè supe-
ret capacitatem ejus. Eiusmodi illustrationi-
bus à Deo immediatè submissis in specu Manre-
sana recreatus fuit S. P. N. Ignatius, ut postel
dicere solitus sit, si sacræ litteræ non extarent-
se tamen pro fide mori paratum esse ex iis solum
quæ sibi Manresæ patefecerat Dominus, quo
tempore homo litterarum planè rudis admira-
bilem illum composuit exercitiorum librum Se-
dis Apostolicæ judicio, & omnium utilitate
comprobatum. Similis immediata interna
motio etiam se prodit in judiciis practicis de di-
ligendo Deo, pœnitentia agenda, perfectione
sectanda, &c, nam aliquando tam subitò, &
tam vehementer ea proponuntur menti, ut fer-
apertè constet, ea immediatè provenire à Deo,
nec habere originem ab objectis sensibilibus, &
phantasmatibus, sed potius, si aliqua phanta-
siæ apprehensio tam concitatur, eam à mentis

cognitione excitata m̄ esse. An jam ex parte voluntatis fiat motus immediatè à Deo , desumendum est ex modo , v. g. quando , licet motista operetur circa objectum cognitum , vehementius tamen voluntatem rapit , quam objectum ipsum possit , aut alias movere soleat , & si objectum proponatur ut prosequendum , voluntas sentiat impetu , ac velut necessitate quādam se ad illud affici saltem per simplicem affectum , vel majori se suavitate ad id inclinari , quam sibi possit suā industriā comparare . Si autem objectum proponatur ut fugiendum , vehementius pr̄ter solitum terreatur , ut s̄pē sentit inveteratus peccator aliquis , quem Deus ad saniora vult reducere , & quando similes affectus versantur circa superiora & spiritualia bona , & per se honesta , & hoc modo fiunt . Signum utique est ab ipso Spiritu S. voluntatem immediatè moveri , quia nulla creatura habet tantam efficaciam in humanam voluntatem , & tali modo Suarez l. c. n. 39. dicit intelligendam esse reg. 2. de discret. Spirit. S. P. Nostri , quod talis motio detur nullā præcedente causā .



*Motiones Angeli boni & mali quomodo
dignoscenda.*

2do. Circa motiones intellectus & voluntatis, quae fiunt ab Angelis sive bonis, sive malis mediis phantasmatibus, seu objectis sensibilibus vel imaginatiis. Notandum est primo ex reg. 1. de pleniore spirituum discretione S.P. Nostri, quod Angeli boni & mali dent ex eo, quod habent, & quo abundant. Hinc Angelus bonus affert laetitiam, malus obruit pusillanimitate, tristitia, torpore, &c. ex meditatione de duobus vexillis in lib. exercit. discerni quoque possunt, ut advertit P. Diettins, motus spiritus boni & mali. 2do, Suarez l.c. à n. 35. ad tria capita hoc in genere revocat regulas de discretione spirituum, dicique consideranda esse horum motuum materiam, finem, modum. Si *objectum vel materia* peccatum est, patet venire à dæmone: si honesta, inde non statim erui potest, venire à bono spiritu, quia bonum potest malè fieri, & ideo etiam à dæmone suggeri. Paritet si *finis*, ad quem tendit motio interior, malus est, patet motionem esse à dæmone; si autem honestus est, indicium quidem est spiritus boni moventis, sed non sufficiens, quia sub illa specie boni potest non intendi bonitas, & major bonitas ac perfectio impediri, imò majus inde malum oriri, sic v.g. sub specie boni intendere potest dæmon, ut in discretâ mortificatione ineptus fias ad munitionem pro-

professionis tuæ, indiscreto zelo plura mala,
quàm bona facias, & sic pertinaciter sensis tuis
inhærens contra Superiorum aliorūmque Viro-
rum prudentum consilia, illusionibus variis eris
obnoxius, & tandem dæmoni præda fies. Hinc
utcunque finis honestus ac bonus sub initium
esse videatur, ad quem tendit motio: Ulteriùs
utendo simul consilio Viri prudentis (cùm qua-
tuor oculi plus videant, quàm duo) bene exa-
mina, quò tandem vergat ista motio, nisi hoc
fecisset S. P. N. dum studiis animum intendere
volebat, ab iis impeditus per internas illus-
trationes, affectiones erga spiritualia, nec Socie-
tatem condidisset, nec tot proximos ad cœlum
duxisset. *3tio quoad modum observandum*, an
placidè & suaviter fiat interior motio, & cum
magna animi tranquillitate; an verò durè, qua-
si violenter, & cum aliqua animi perturbatio-
ne, & tunc juxta reg. Postiores S. P. N. de
discret. spirituum consideranda est conditio per-
sonæ, quæ movetur; nam si ea curam alioqui
habeat procedendi in virtute, & suaviter mo-
veatur, signum est eam à bono spiritu moveri;
si autem asperè, à malo. Econtra, si persona
est in peccatis, negligens in divino obsequio,
resistens his illis inspirationibus, quibus Deus
jam dudum cor amore inordinato vacuum pe-
tit, à bono spiritu habebitur asperè (quia re-
prehensione indiget, donec obediens mereatur
consolationem) à malo blandè & suaviter mo-
vebitur, quia uterque spiritus intendit vel mu-
tare animam à dispositione sibi contraria, vel

G 5] pro-

promovere in sibi conformi. Mutatio autem ordinariè requirit commotionem vel asperitatem, continuatio vel promotio in dispositione, quæ, dum Angelus bonus vel malus internè moveret, ei conformis est, utique homini sic moto obveniet suavior, & hinc certè dæmon peccatorem non turbabit in somno animæ, nec Religiosum negligentem in suo tempore & sensuallitate; & si uterque non sentiat amplius inquietudines, internas reprehensiones asperas, aut remorsum conscientiæ ab Angelo bono excitatum. Pessimum signum est, & illud Scripturamendum: *Curavimus Babylonem, & non es sanata, venite, derelinquamus eam.* 4to, mulieres, & à natura melancholici, item critrio proprio plus æquò inhærentes, ob vivacitatem ac tenacitatem phantasiæ, judiciique proprii amorem, præcærteris, periculis sæpè à malo genio agitantur motionibus. Hinc ad eas discernendas & talis persona, & ejus Confessarius ad objectum. finem, modum motionum, ut P. Suarez advertit, diligenter attendere debent; & si hæc tria bene quilibet observare velit, etiam cum non seducent homines sive in sæculo, sive in religiosa domo, qui ad hæc illa, aut has illas partialitates fovendas sub specie pietatis conantur eum inducere, & multò minus quis credit mulierculis suas visiones, apparitiones, & quascunque demum phantasticas ideas narrantibus; meretur etiam attentè legi caput 54tom lib. 3. Thomæ Kempensis in libro suo aureo de imit. Christi, inde enim apparebit [dum pu-

De operibus quotidianis. 155

tas te hoc illud justè prætendere, injustè pati, necessarium esse, ut te defendas, famæ consulas, vires conserves] apparebit, inquam, an hæc illa interna motio ab instinctu divino aut bono genio, vel dæmone ac amore proprio proveniat.

Scrupuli quid sint, unde proveniant, & qua contra eos remedia.

Stio. Circa scrupulos notanda sequentia ex reg. S. P. N. dignoscendis. 1. *Scrupulus* non est erroneum purè judicium, cùm v. g. quis putat, se crucem humi figuratam calcando peccâsse; sed dum ex una parte venit suspicio nos peccâsse, ab altera in mentem venit ex fundamento bono nos minimè peccâsse reliquâ ambiguitate, & animi perturbatione. 2. Possunt scrupuli immitti à Deo, vel etiam à dæmone, vel etiam ad eos multùm contribuere innata naturæ pusillanimitas, melancholia, proprii judicii pertinacia, item vivaciora & tenaciora phantasmata, quæ unus habet præ alio. Signum, quòd à Deo immittantur, est, si Confessario aut Superiori hæc illa agenda vel visitanda præcipienti libenter obedias, si ægrè velis, aut absolute nolis eorum dictum sequi; signum est à tua defectuosa indole vel dæmone provenire, & hoc inde certius patet, si, ubi non deberes, sis anxius & scrupulosus, & in alia materia, ubi rigidior esse contra te deberes, sis æquò laxior. Cæterum sicut bonum

est, laborasse aliquando variolis in ordine ad purificationem sanguinis; ita sub initium v.g. conversionis bonum est ad purificationem animæ immitti à Deo scrupulos; quia, dum hi ita animum innocenter torquent, inde major horror erga peccata re ipsâ talia exoritur, & in tali sensu verum est illud S. Gregorii: *Sanctorum mentium est, facere culpam, ubi culpa non est.*
 ade, quando ejusmodi anxietatibus obrueris [sicut dum vehementi tentationi carnali vel alia pulsatis] debes bene reflectere ad monitum S. P. N. scilicet dæmonem agere, sicut imputum lenonem volentem seducere divitem filiam; nam, quemadmodum hic puellæ inculcat, ut de illicitis, ad quos eam conatur perducere, amoribus & sollicitationibus, nil aperiat patri; ita dæmon vexans nil magis quærerit, quam ut tuo proprio critorio nixus, vel etiam prærecundia, dissidentia, nî miserias tuas non exponas candidè & confidenter tuo spirituali Patri, & sic durantibus in anima tumultibus tandem reapse in peccata incidas. Novi unum ex nostris, qui in Novitiatu diris torquebatur suspicionibus ac phantasiis, quod omnes alii cum ipso Superiori peccatis carnalibus essent implici; vexabatur ita per octiduum phantasiis istis, ut alias ex exterioribus turbas internas colligens suaderet, ut, quidquid internè torqueret, sincerè Superiori exponeret. Fecit id post longam luctam, & cum tremore totius corporis non aliter intravit cubiculum Rectoris, quam si ad patibulum duceretur, & diu, licet interroge-

tus.

fus, quid vellet, hæsit mutus. Tandem noxiâ superatâ verecundiâ, omnibûsque internis detectis latebris solatio plenissimus abiit, nec deinceps unquam tetricus ejusmodi nubibus animus ejus involutus fuit. *3to*, sicut dæmon conscientiam teneram ac delicatam conatur facere delicatiorem, & magis magisque augere vim apprehensivam, ut judicetur vel timeatur peccatum v. g. consensu interno commissum esse, quod reverâ commissum non est, ut sic homo in extremum redactus anxietatis gradum à profectu in virtute aut perfectione impediatur, nec generosas resolutiones ad aliquid ex DEI amore fortiter agendum aut patiendum capessere possit, aut tandem etiam in deteriora labatur. Ità astutus nebulo crassam & laxam conscientiam conatur efficere laxiorem, ut, v. g. qui priùs non adeò horrebat venialia, expost parum curet se lapsum esse in mortale. Et hinc S. P. N. reg. 5. bene monet, ut semper ad oppositam dæmonis suggesti partem tendamus, faciendo scilicet conscientiam strictiorem, si dæmon eam intendat facere laxiorem, & vice versa, ut vitæ extremæ utriusque partis periculis anima in medio quodam & securro statu jupiter permancat. *4to*, Quod si jam oggeratur tibi, ne hoc vel illud opus bonum, quod tibi proposuisti, facias, v. g. ob vanam inde eventuram gloriæ, vel malum aliud. Eleva mentem in Deum, recollige te & examina, an factum ejusmodi ad Dei gloriam vergat, nec contrarium sit superiorum voluntati aut professioni

tuæ, nec ab Ecclesiæ usu vel Majorum sensu deflectat. Id inveniens statim, quod propo-
suisti, aggredere, & obstrepenti dic dæmoni
cum S. Bernardo: *Propter te non incepi, propter
te non desinam.* isto, Suarez l. supra citato c. 7.
num. 3. observat, S. P. Nostrum in suis regulis
agere tantum de scrupulis circa præsentia, non
autem circa præterita, v. g. dum angitur quis
sine sufficiente fundamento, an peccata priori
legitimâ confessione expiata sint, an huic illi
turpi cogitationi consenserit! tum quia ex re-
gulis suis de discret. spirituum & scrupulis satis
advertisi potest, num anxietates istæ à dæmoni
mediante phantasiam excitatae sint, & quòd con-
sequenter iis resistendum sit; tum quia dæmoni
satis occurri hoc in genere potest, si serventur
ea, quæ de examine conscientiæ confessione
generali S. P. N. alibi tradidit. Juxta Gersonem
teste Suar. pro scrupulosis hac in materia duo
præterea observanda sunt. 1. Oblivioni dan-
dum est tempus præteritum, & in genere tan-
tum petenda à Deo venia peccatorum per gene-
ralem contritionem, non autem anxiè exami-
nandum, an consensus his illis turpibus cogita-
tionibus præstitus; quod ejusmodi hominibus
eo minus conductit, quòd magis se, reflectendo
ad species peccatorum in individuo, novis ex-
ponunt temptationibus, & caput inutiliter fati-
gant; quia reapse unâ reflexione excipiente al-
teram spiritus vitales enervantur, & jacit se
amen novarum v. g. in materia lubrica tentatio-
num. Naturale enim est, quòd species objecti

for-

fortius & vivaciū phantasie impressi identidem
recurrant, & sic loco, quod abigere omni
modo dæmonem deberes, juvas eum ad te de-
bellandum. Adhæc, si quoties tu times, et
iam toties reapse pravis plenè liberè consensisses
cogitationibus aut desideriis; jam dudum quo-
que occasione datâ externum peccatum perpe-
trasses.

Alterum ex Gersone remedium est, quod,
quando tempus præteritum sollicitat, metus-
que supervenit, non fuerit facta sufficiens
confessio, occurrentum sit, revocando in
memoriam voluntatem, quam quis habuit hoc
illo tempore ad confessionem generalem se præ-
parans integrè ac perfectè omnia confitendi, &
quod tunc fecerit, quidquid potuit, imò ex
consilio Confessarii statuerit præteriorum non
amplius recordari, ut Deo servire melius in
quiete animæ suæ posset. Hoc in proposito
perseverandum, & sic malè fundatus metus &
anxietas dissipabitur. Demum 6to, hoc uni-
versale sit principium timentibus & anxiis, ne
ritè confessi sint, aut confiteantur, aut dignè
communicent, Sacraenta hæc à D. N. J. C.
ex amore infinito erga homines instituta esse, ut
nos in sua gratia confortent contra omnia dæ-
monum molimina, & nos in hac miseriарum
valle solentur ac animent, & non, ut nos va-
riis perplexitatibus, angustiis torqueant, adeò
que satis vides non provenire à bono genio mi-
serias istas, sed à malo, qui, si plus non
possit, saltem quoad hoc ex diabolica erga ho-
mīnes

mīnes rabie & livido quocunque iis bonum
invidendi genio habet intētūm suū, quod
tam uberibus gratiæ divinæ pascuis anima tua
non saginetur & impinguescat, aut introduca
in cellam vinariam à Sponso suo divinarum con-
solationum musto inebletur. Jam ad has ve-
niendo, sciendum est ex reg. 3. S. P. N. de mo-
tibus animi discernendis, ut magis in ascetica
doctrina proficias.

De consolatione, desolatione.

¶. **Q**UOD spiritualis consolatio (vide Di-
rect. in exercit. c. 27. §. 3.) non sit
habitus, sed velut spiritualis passio data super-
naturaliter, & ejusmodi passiones vanæ esse
possunt, ut quies quædam interior ac satisfa-
ctio, gaudium spirituale, clarior cognitio re-
rum divinarum, infusa subito consolationis la-
chrymæ, vivida mentis in Deum ac cœlestia
elevatio, spes in Deo fixa, singularis gustus ve-
ritatum & rerum æternarum ac cœlestium, ca-
lor sancti amoris, v. g. in Communione, ce-
lebratione Missæ, mira complacentia in voca-
tione, officio, ejusque functionibus, stimuli
interni ad fortiter agendum ac patiendum pro
Dei gloria, ad initandam humilitatem & man-
suetudinem D. N. J. C. ad agendas Deo gratias
cum magno interno solatio; quod velut pri-
marius ejus Minister in primario opere, & divi-
norum omnium dignissimo salute scilicet proxi-
mi pretioso ejus sanguine redempti cum juves-
ejus-

ejusque datæ tibi hunc in finem gratiæ pro modo tuo coopereris, quod commilitones egregios hoc in genere habeas, &c.

Atque ex his patet 1. quod multi sèpè habent internas à Deo consolationes, licet non putent se habere; quia non accipiunt ut pueri aut incipientes saccarum, sed solidum panem, qui inadvertenter magis nutrit & corroborat. 2. Quid sit *desolatio* scilicet carentia ejusmodi internarum motionum. 3. Quod *devotio*, prout ab ariditate distincta, sit gustus singularis in oratione, usu Sacramentorum, aliisque spiritualibus exercitiis, & ariditas gustus istius carentia interim sicut & suaviter equitat teste Kempensi, quem gratia divinæ consolationis, & sapidi cuiusdam in spiritualibus gustus portat. Ità certum est, quod, si nihilominus in media desolatione ac ariditate iis constanter insistas, nec vel minimum negligas aut decurtes, plus habiturus sis meriti, quam si hæc per internasunctiones omnino suavia ac amabilia tibi reddantur. Præterea reflectendum est, quod ejusmodi desolationes, ariditates, & multò magis evagationes animi sèpè oriuntur ex culpa tua, v.g. negligenti custodiâ sensuum, affectu nimium sensuali, & erga creaturas inordinato, nimia erga hæc illa sollicitudine ac studio, aut etiam otiositate, animi levitate, ex defectu debitæ præparationis, exercitiorum spiritualium, præfastidio, omissione aut decurtatione; sicut in temporalibus, ita & spiritualibus tritum illud ordinariè loquendo valer adagium: *Unus quis-*

quisque sua fortuna faber est. Porro experientia constat mediocriter erga spiritualia affectos non esse constantes in fervore, mox gaudent de consolatione aliqua interna, mox queruntur de desolatione & ariditate. Et tu, si Patrem agis spiritualem, officii tui partes exigere scias ut malè aut tepidè erga spiritualia affecti per gravioribus adductis motivis stimulentur, bene affecti merentur à te solatium & instructionem, dum ariditatibus ac desolationibus infestantur aut obruuntur.

PUNCTUM OCTAVUM & NONUM

De fructu ex Communione, Confessione, Examene, aliisque, & progressu post ultimam rationem conscientia datam.

1mo. **F**RUCTUS generalis ex his omnibus est
 1. *ex parte intellectus* illustratio clara docens, quomodo quis se ad Deum & actiones suas, ad ipsum ejusque gloriam ut finem referre debeat, resque divinas aestimare condigne. 2. *Ex parte voluntatis* servor finem consequendi, & media adhibendi. 3. Quoad rem ipsam felicior, suavior & efficacior executio bonorum propositorum ob hominem inferiorem magis domitum.

2do, Fructus specialis ex Communione est refectio spiritualis, renovatio animæ, robustus contra passiones & tentationes, unio intima cum DEO, incendium divini amoris, fervor